

榮

性

堂

集

榮性堂集卷七

吳縣吳俊曇繡

古今體詩

宣南雨後

一鴈林皋始送秋，雨餘風物辨。  
皇州虹霓迴抱千門起，  
河漢斜穿九陌流。繡鞅錦鞵歸苑路，  
綠槐青柿向城樓。誰家擲笛還調阮，  
只是聞聲不肯愁。

暑在空潭積雨間，雨收潭霽暑沉山。  
水風緩度渚蒲偃，林景自明園果殷。  
捕黽護牆蛛躑躅，移床掃室蘚爛斑。  
買蕉補竹忙如許，博取須臾午夢閒。

夜

大火黃昏見商風始欲飄蟬聲危咽露笛韻怨淹宵林館  
一燈寂關山萬馬驕機槍看夜落殺氣隴頭銷  
抱琴將動操夕露忽縱橫幽語入蘿薜流泉生檻楹風吹  
擣衣曲河墮織機聲滅燭不成寐空中聞玉笙

題王蓬心司馬爲戴臙塘侍御畫晴川曉渡圖

江漢日吞吐使舟杳靄間君從桂林返我亦鄂州還文采  
動城邑旌旗照雲山中流落咳嗽縹緲詎能攀

大別大如阜晴川晴露磯迎船有津吏伐鼓笑江妃迢遞  
郢門樹燾微夢澤暉凌空一黃鶴相送欲孤飛

宜昌老司馬雙鬢白珍珍江口刺船往林中摘橘談平生  
慕懶吏晨夕畫秋嵐憶昨茱萸會新詩滿漢南

衣有百粵雨篋無南海琛風煙楚王國清白使臣心草色  
鸚鵡趾笛聲黃鵠岑仙舟發簫鼓流響到如今

余與大庾戴蓮士翰撰會同爲中書舍人已亥八月  
同奉命校士武昌其時新安洪素人吏部爲學  
使而闈中則武林施柳南太守爲監試婁東王蓬  
心司馬爲分校撤棘後禾中田耕堂太守海寧陳  
竹香刺史因公來鄂五君者俱會爲中書舍人合  
子與翰撰爲七人焉重陽後二日讌於洪素人使  
院次日蓬心作鄂城雅會圖凡七以分弄之還輶  
息促未有詩也辛丑七月坐雨宣南偶一展圖歡  
宴如昨輒成七律二篇聊紀雪鴻蹤跡庶幾大雅

覽而和之

彈指東華倬直年七人萍聚楚雲邊  
簫鼓樓船新意槩蒼苔紅蘂舊詩篇  
漢上夕陽江上草酒中佳節畫中禪  
司馬風情最適宕能將點墨染秋天

黃鵠山中鐵笛幽丹楓黃粟客憑樓  
欲翦雲葉作衣帶試騎鶴背凌清秋  
文星聚軫夜煜煜長河直斗天悠悠  
明發乘輅指北闕姓名長在大江頭

臘月廿二日立春

夜半蒼龍角向西曉聞木鐸和隣雞  
酒將人面娟娟靜炷臯春雲冉冉  
低棧伏一年增馬齒雪消千里驗駝蹄  
庾郎三韭尋常事添著芹芽擣似泥

旋幹鴻鈞捷有功萬人歡舞出郊東病松折竹俱顏色淡  
日輕煙暗熨烘人事簇新簪綵勝鳥聲清轉叫韶桐晝閒  
朝散渾無事春在潛郎白墮中

除夕獨坐感賦

郎官挑燼低頭想畢竟身名是與非磨盾草章半萬里據  
鞍從獵十三圍

今歲木蘭秋獵  
共計大小十三圍

耳中能辨洮西語篋裏

多裝塞北衣今夕一家賭歡笑滿斟醴醪欸春歸

土床熾炭益培花斗室氤氳換歲華人以勞薪憐我輩僕  
將布袋裹生涯飲河滿腹堪嗤鼠驟坂雙輪恐覆車世事  
尋思成一笑隔牆催曉爆聲譁

壬寅春帖子

夜半日輪紅雞鳴若木東搖搖旌旆影蒼帝御晨風  
矜重馬蹄聲流連貴客情陌塵霏似屑街閣迴臨城  
竹色搖唼淨湯聲沸鼎勻正朝好風日新酒賺新人

題汪中丞時齋先生六一圖小照

門閥堂堂冠欵東直教四海誦蕉翁

別號  
蕉雪

一身化六小焉

耳名字百千人口中

心大光明似鏡揩鏡中如許好朋儕稍聞警欵互爾汝却  
自無人晝閉齋

盆梅

生來庾嶺南天雪根傍孤山處士家何日奔波到京國藉  
他火力露槎枒

水仙

石襯沙培欠自然  
賺渠羅襪步娟娟  
近來學佛都無會  
一盞春燈祀水仙

讀亢倉子

亢倉著書羽山巔  
羽民爭有俎豆思  
其言根柢出道德  
景王前席稱以師  
人鬱則病國鬱慝  
語有大純無小疵  
農道一篇抵幽雅  
隲括月令小正爲  
可惜命意稍涉術  
商鞅農戰實本斯  
敗壞唐虞三代法  
誤人家國身亦隨  
是以立言貴慎重  
聖人不得已出之

讀晏子春秋

我愛越石父  
負芻息路陬  
三年爲人傭  
弊冠披反裘  
一朝



左驂贈意槩昂九州丈夫信知己可嚮不可羞執鞭所欣  
慕欲往從由牟

讀鄧析子

鄭國有鄧析立言名無厚鑿刻到天地機險在戶牖辛苦  
撰竹刑申韓是功狗吾意其爲人身死必無後其言倘一  
用傾國十八九世主每好之民苦魚在罾

讀鬼谷子

道衰斯任術抉發天地藏鬼谷語似鬼讀之燈不光陰符  
作先聲而更利鈎鉞抵蠟及飛箱刺人洞肝腸取喻蛇與  
矢箠弄陰與陽用之以治國驅民如驅羊用之以治兵料  
敵敵在睚已矣吾弗學學之遭天殃

人日獨坐

可憐人日草堂仍刺眼  
唐花照眼燈信誓算來春不負有  
情除是酒堪憑  
梳翎簌簌將雛鶴  
擲水汪汪出定僧  
七日風光詩廿首  
肺肝欲吐忍何能

題金桂巖比部北堂晚翠圖卽送其歸省

爲郎卽有平反獄  
將母行催火急裝  
便越清淮渡揚子  
逕過橋李到桐鄉  
身如獨鶴流音遠  
心似春雲去意長  
遊子入門堪慰笑  
老芝揚采柏生香

小人有母未嘗羹  
送子春歸無限情  
曉墅畫眉林鼓吹  
夜船新月客燈檠  
三升日奉秀州酒  
一釜手炊吳下秬  
屈指還朝正秋好  
太夫人坐板輿行

新年初至 西苑

西山入新年漸與人意洽草木雖未華生氣已可招東風  
吹冰池得意是花鳴縱橫穿內水高下種松鋤走車鬪  
麟坐鳥競恰恰霞林鞞鞞裝月館琉璃匣橐筆待法從能  
事在草剗兩肩堆春嵐千言寫急峽嘗醴溫挾纈劈袖香  
透甲致身到蓬萊笑語仙靈狎作詩歌太平五字疇我壓  
室中盆花盛開而梅尤繁

閉門卽是錦城春偏更寒梅著意勻要與詩人爭骨力爲  
邀冷眼出精神三人明月足歌舞一榻香雲礙欠伸如此  
綺羅叢裏住豈須愁嘆庾郎貧

西苑晚歸遇雪馬上口占呈在直諸君子

下直心纔弛擔安兩肩瘦聳壓歸鞍好雲傍馬弄晴雪返  
照送人馳暮寒沙柳臥妨綠墪路風鳶飢避露尖巒清吟  
一字一圖畫封與同曹置酒看

題黃山四十八景畫冊

湯池

跳谷噴崖一里強此中窵窳通搏桑曦烏游戲不肯去滌  
作人間百沸湯

鳴絃泉

老魚幽泣蒼龍吟聲入雲中不可尋仙人橫抱太古瑟玉  
女自叩無絃琴

天都峯

呼吸星辰左右隅白雲爲闕霧爲郭雲收霧斂見松柏儼  
立森森十萬夫

硃砂峰

菌老芝堅不可餐日烘霞絢態千端是泥是石豈須辨合  
煉仙人不死丹

獅子林

石是瓊瑤堅可拊樹如鏐鏡老逾適忽然風起雲破裂石  
作獅跑樹化牛

百尺潭

雙崖鬪處一龍開誰信茲潭百尺來終日繫梯還墜綆綆  
窮梯盡砮崩雷

小心坡

依傍全空只仗筇筇當險絕更無庸憑君眼力分明覷自有千年過去蹤

文殊院

鳥能念佛鹿依蒲松作經棚淵入厨畢竟黃山香火盛春雲一鉢祀文殊

老人峰

蘿薜爲衣蘚作膚側峯橫嶺盡孫雛月明拄杖知何處咳嗽一聲聽轉無

白龍潭

五月山家雞豕肥白龍潭上釣魚磯晚來茅屋滿雲氣知

是白龍行雨歸

迎送松

山下人家太古風  
餽遺隔絕嶺西東  
送迎只有雙松樹  
閱盡樵翁與藥童

石筍砭

鎔鉛煮石不可食  
砌竈燒丹幾許成  
請聽春雷三晝夜  
嶺腰迸出萬緋嬰

鼇魚洞

海上三山鼇戴之  
巨靈鞭徙海波隨  
石扉三叩呀然啓  
中有仙人畫奕棋

觀音巖

清越鳥鳴林裏磬  
噲吟溪打飯時鐘  
一更月出峰如鏡  
照見觀音自在容

蓮華峰

黃海雲濤戲散仙  
或騎鯨背或乘船  
雲奔海沸仙何所  
一朶亭亭玉井蓮

一線天

崖前不死空心樹  
澗底長生無葉藤  
夜半猿猱忽驚嘯  
一星炯炯過如燈

西海門返照

海門俯瞰萬由旬  
脚底砰訇碾日輪  
金碧蔽虧圖不及  
匆付與後來人



擾龍松

仙者崖前鞭毒龍咒之立地成青松  
渾身鱗甲恐飛去一  
里白雲深鎖封

覺菴

竹篠娟娟竹筍長木魚風裏貝多香  
晚來一覺睡蛇死  
窳窳齋厨鼠竊糧

雲棧

海東遙望海西霞雲裏回看雲外花  
棧路不知行遠近渴  
時鍾乳餓胡麻

飛來峰

海風吹墮忽堅牢不似人間蠢羽毛  
更有阿誰騰躍上蒼

鷹爪嘴老猿尻

連理松

高枝著雨亞枝承一葉吟風萬葉興  
占得石根仙佛地雙棲禽與互纏藤

蒲團柏

蓮頂庵前有老柏葉如蒲織蓋如團  
春禽並坐交交語下有酣眠老懶殘

蓮蕊峰

瓔珞都將七寶穿霎時天女散花便  
香沙池裏梅檀水倒浸亭亭千葉蓮

仙人榜

漢武秦皇空浩然神仙縹緲卽離邊請看此地仙人榜上  
寫浮邱下偃佺

煉月臺

歷磴升臺有竈痕臺空灰冷竈猶溫阿誰鑄出團欒鏡與  
配仙人丹府噉

耕雲峰

笠簷蓑袂雨濛濛不問人間歲儉豐礪劃溝塍松穉稔樵  
爲亞旅鹿兒童

慈光寺

寺裏青山關不住欄邊活水去還來竹雞松鼠自喧聒臥  
看優曇花晝開

浮邱溪十里梅花

溪人不飲何須秫道者長生并厭茶獨種梅花三萬本引他十里訪仙槎

水簾洞

玉几金牀相映明白雲垂押霧拖旌畫長山暝人不見時聽楸枰著子聲

藥鈿源

神仙不死非無術老病還將金石醫終古藥鈿源上水任人掬取度刀圭

阮溪

阮溪春來如酒濃紫霞山對芙蓉峰儂家佛子嶺前住聽

學仙堂集卷八  
一  
慣王干寺裏鐘

桃花源

壁下澄潭潭底天此中雞犬亦神仙十年悟道何曾徹一  
見桃花便了然

散花塢

無鼻能聞無目視維摩一榻鎮雙趺空中忽灑曼陀雨億  
萬百千駢蒂花

光明頂

霧曳雲春風倒吹一螺如月萬松飾請君步上光明頂便  
到頭頭是道時

青龍嶺望始信峰

龍背沿緣仗竹籃自知身已與雲叅偶然決背一飛梯眞  
是何來海外談

紫玉屏

古丹臺倚玉屏風老檜蒼楠相映紅仙者洞扉長不閉藉  
他遮住好房櫳

松谷

是誰學得種松法石縫埋根礪插秧好待秋來掃松子一  
山何止萬人饒

翠微

雲薄天青正晚暉一龕香火拜麻衣游人爭掬潏潏水洗  
眼都來看翠微

擲鉢峰

擲鉢峰形圓似鉢人言中有毒龍藏一泓湛湛常不涸噴  
作春雲覆道場

招隱亭

亭空皇遠不須窓仙掌鳧脰影落雙何日山椒賦招隱吹  
笙閒度白沙砭

雲舫

石竇涓涓乳石嬰道人縛屋與雲平直須如意亭中坐一  
任無風波浪橫

漁梁

水西鐘鼓動黃昏漁梁渡口爭渡喧漁翁夜伴沙渚宿撈

取明月波傾翻

九龍飛瀑

十里驚聞走巨雷  
九龍飛舞攫珠來  
雙崖豁處一匹練  
直  
到山根勢却迴

新安江

半篙新綠寫幽湍  
兩岸青山作畫看  
院本已無家令蹟  
倩  
誰一日貌新安

歙浦

歙浦春來鴨綠波  
白沙青嶂畫眉多  
酒帘影自松梢出  
牧  
笛聲從嶺背過

岑山



山在長杉叢篠間夕陽鐘鼓動禪關澄潭風起鷺鷥立隔岸殘僧打漿還

水香園

月山山下水香園園傍桃花澗水喧借問主人何所見橫川三十六峯尊

和馮玉圃吏部同年七峰別墅月夜

春月轉冥冥春燈獨自青假山半潭霧空水一房星樹迴難爲影鐘疎不受扃同心鷗與鷺相伴語枯萍

形影神相贈松風淪我魂倦眠衾似衲公退屋如村燥吻傾醪潤寒吟篝火温偶然叅吐納兩手握關元

和玉圃吏部雪中元夕

無風多態度傍月轉精神屢舞能欺面輕寒不損身苑橋  
疑夜騎街閣醉春人遙念曲江岸懸知滑似銀

范攝生比部邀史竹圃李雲門諸君度曲飲酒玉圃

吏部以病不至次日有詩因次其韻

公退覓醉衝風霾酒旆一帶宣南街詩腸麩臍兩資藉有  
似濁河並清淮那可不吟更不飲燥吻急待呼朋儕致能  
幽居小於舫笑論莊雅兼嘲俳張南周北客不速隨身鐵

板銅琶偕渭城朝雨唱破笛一曲十日勞安排

是日唱余所製念奴

嬌詞曲調高絕李雲門太史手譜也

可憐辛苦得恬適大抵險澀翻和諧新

聲妙器競奏發滿城絃管卑可哇曲終酒闌話鄉國魂夢  
瞥入菰蘆涯十年拋却五湖月棹歌漁唱紛我懷東華軟

土已踏破短轅之車蹠蹶駟今夕何夕好權謙賞春貰酒  
計不乖苦吟無已正淒絕閉門終日書花牌

和玉圃吏部清明

鉤輈喚我慢拋裘尙有餘寒料峭留鞭外好山青照馬酒  
邊香霧綠噴樓依稀擪笛秋千院棖觸磨刀嗚咽溝何以  
醉花餞一斛落紅飛舞水東流

和玉圃吏部桃花

霧霄烟籠態未分野薺山莽助朝薰馬蹄歸院鳥聲午鈴  
索鬧簷人意醺京國冶游殊草草神仙方法太紛紛偶然  
臨水堪羞甚百疊波紋寫面紋

遊千像寺用放翁遊圓覺祥符乾明三院韻

杏花欲落梨花殘，茅屋晝閉珠璣閒。匹馬覓路細屈伸，七年復踏徐無山。松梢佛唄自念動，礪底石室風開關。吳僧八十眉似雪，見我不語意帶訕。師問細叩鄉里擲幻夢，其心死灰木石顏。蒲團妮妮爲我述，當年萬緡食此間。十八尊者來示相，赤足終日嬉。淙潺登登伐石三晝夜，龍象鑿出蒼蘚頑。李唐舊事二千載，名山勝果若是班。我聞其語再三嘆，熏手遂携篤耨還。

遍遊盤山諸谷終登掛月峰三十六韻

盤山百千盤，倏詭不可紀。浩浩俯溟滓，竦竦插箕尾。長城繚其背，碣石抱其趾。太行來無窮，薊門青未已。坐失醫巫尊，恥奪曲陽祀。酈注辯不荒，遼碣兀自歸。白雲菴蘭若，清

風墮椽子呀或開堂隍累或寘釜錡沙穿驗虎跡樹橫格  
馬叢山腰雨拖墨峰頂日銜紫薜蘿恐行人果莽飽釋氏  
千像旣東禮天成復西指形勢少林脣依倚中盤齒甘澗  
兩盈虛萬松與角犄竹木雲淨娟房櫳東竺綺鉢時鐘爭  
喧日落塲竟起烟霧幻空樓魚唄結僧市籃輦高復低藤  
笈荷還弛何殊聘諸侯不啻訪隱士雖歷魯衛疆終爲齊  
楚訾小隱亦旣覲大隱悵已矣翦菽禱山靈攀槎學沙螿  
鷲見寺放光瞥駭月掛墜筇力豈有神眼界向來廩撞牒  
雲蓬鬆穿耳颺迅駛碧落須臾參境地山旬揣公然會盟  
長顧盼執牛耳昂然角綺容兀冢契無始下視憑羽翰旁  
睨渺涯涘一躋七八顛十磴再三止呼吸入混茫腰腳雪

羞恥平生饒未歷登覽意方死一角漁陽東孤聳天關咫  
晝游陟險怪夜夢糅怖喜收拾衆林壑囊囊萬宮徵作詩  
補圖經千盤併一紙

再遊千像寺就僧鉢

山門故依然斷紐懸危鐘寺僧如猿猱跳躍捧我筇親切  
竹裏路狎熟林梢峰經唄講堂歇水磨齋厨春莧葉嫩勝  
翦椒芽芬可供疆疆鵲食粒窳窳鼯窺墟師談往日虎我  
怵鉢底龍落日且辭去花霧堆重重

和汪杏江編修雨窓戲作

兩年打睡不著枕馬上顛倒危可凜比來一月伸足眠竹  
簟琉璃波淦淦丞相晨呼始上堂官庖晝靜閒調飪却愁

赤日炙黃塵渴盡何從覓殘瀆阿壽搖扇工弄風阿巖拂  
榻解請衽殷雷隱隱西山陽火雲奔崩駁碎錦南鄰翰林  
飽看雨頃刻新詩送我品開緘便有空翠映縱不廢歌意  
何忍却從快雨憶長晴人事年光概如荏吾今學佛粗有  
功君勿相招方斷飲

辛卯七月薄游濟南與戴處士延年賦詩大明湖上

以北齊房君豹風淪歷城水月倚華山樹十字爲  
韻予得月倚華山樹此事忽忽十二年矣今年四  
月復來湖上風景恍如疇昔而處士渺在吳會更  
無與泛眺者爲之悵然輒用風淪歷城水五字爲  
韻復賦五章前後足成十首以誌雪鴻踪跡云爾

濟南城十里一半鋪青銅可鑑復可濯不泛亦不窮掘地  
不盈尺處處窵窵通能令士女澤亦使草木豐一別十二  
年想思魂夢中行役再稅駕臨流受長風

城中數長官張蓋嬉清淪送迎竹樹裏騶唱菰蘆濱落日  
歷下亭肴核遺紛綸斯人辱山水山水笑此人我來每獨  
游解帶還脫巾網魚行作膾伐葦將爲薪手持一壺酒浩  
歌叫層旻滿城來捉我搴荷以蔽身

烟蒲自茸茸雨竹何籊籊拳足一公子交飛兩文鷁落日  
城頭風何處一聲笛港泊如街衢了了吾所歷步上會波  
樓兩點誰華覲酌以一樽酒濕翠菼欲滴

借問山與水曷爲在市城得毋抱令姿綽有近世情濟南



七十二觸處皆澄泓。滙爲一巨陂。魚蟹蒲蓮。杭川澤美利。  
普管氏之所營。齊人逐錐刀。志在金滿籬。山川一輝映。名  
士聲錚錚。斯意少人發。持以告邦氓。

飄飄木蘭槩。落日盪空水。高咏滄浪吟。長天淨無滓。平生  
戴安道。迢遞隔鄉里。欲往從之遊。蹉跎惜年齒。懷人更撫  
景。纒纒無窮已。芙蓉水木城。笈簪魚蝦市。勝區待美政。名  
山竹燕喜。作詩告長官。吾言有微指。

題年丈張晴嵐閣學臨黃庭經卷遺蹟

山陰五月將軍筆。傳寫紛紛刻鵠如。剩有曲江遺墨在。不  
殊青紙小朱書。東坡和回道人詩云。忽見黃庭經。紙小朱書。

預知制誥平章事。重入中書宰相孫。一卷黃庭丹篆字。

勝他千頃列侯園

退直過金鰲玉竦同翰林德樹堂賦

長安快雨洗秋空始信樓臺指點中朝散鷺鸞迎面立暑  
沉菡萏照天紅石欄約我絺衣怯沙路宜人水氣濛却恐  
神山風引去暫時延睇小停驄

題如臯楊舍人

世綸

所畫便面爲奕巖舍人賦

蕭郎畫學李晞古復有江東楊舍人肯爲廣平圖素筵一  
重掩映一重皴

春山豐肉秋山骨畫肉多工畫骨難不是霜風酣筆底那  
能木末露巒岏

橫生烏柏側生楠行旅秋山穩竹籃墨暈蒼深見家法青

從藍出却非藍

下直簾櫳靜不囂  
筆尖氣與秋山高  
招提清磬一聲出  
露鳥風蟲相應號

榮性堂集卷七終

榮性堂集卷八

吳縣吳俊曇繡

古今體詩

贈盛孟岩駕部

駕部作字不脫疆波磔細碎毫毛收指節力可挽萬牛清  
絲入手亮以逾橫笛吹破天悠悠仰面飲露調其喉絲竹  
不到喉所周文士筋脈處女羞難進易退懷好修忽然撓  
羽風颼颼三矢疊出應鼓枹瞥若怒隼追清秋洞然有聲  
蓋在侯 天子動色三謗誣虎賁觀者駭且愁引弓欲發  
還躊躇而君退出神夷猶握管依舊書不休大抵其人非  
世侔

七夕同玉圃吏部

小院銀河影高樓玉笛聲片雲吹不縐道是錦初成  
林鵲夜查查參橫北斗斜似聞私語細風動合歡花  
身有無窮拙神仙不我訶莫須鬪機巧河漢有風波

將之灤陽隨 蹕木蘭秋獮玉圃吏部以纂書事不  
果同行賦詩見示依韻奉荅

又聽秋風教漢歌水寒沙碎不成河健兒會舞黃金稍新  
婦能騎白橐駝詩句鍊將楓葉老酒紋吹與塞雲多肥牛  
生啖添呼酪舉似尊鱸判若何

有美迥然鸞鳳儔蓬萊還復夢中游等身著作無人見一  
院蘼蕪空自謳懷友好雲停晚晚校書黃葉掃清秋大家

河朔縱橫氣憑仗詩人正始留

出德勝門口占

黍谷蒼涼雲氣收  
柿青楓碧葦垂頭  
客蹤與鴈交迎送  
詩句將蟬遞唱酬  
餘潦啗沙槎礙馬  
午陰冪市樹扶樓  
年時越食灑魚美  
彈指風光又一秋

懷柔縣

經過彈汗州削壁倚城頭  
沙路晴舍雨人烟晚更秋  
八荒通閩戶一縣號懷柔  
太息唐貞觀烽塵殊未休

密雲縣

譙樓翼欲舉城門豁以藏  
漸車測壕水臨路飲麩坊  
老卒會調馬健兒能挽彊  
莫言此縣小兵重有輝光

穆家峪同裘可亭秦小峴

茅屋出人語夕露泣以盈鄰春和荒柝山鳥時一鳴京國  
兒女思塞上衣裳輕駕言與北邁楓葉欲縱橫

九松山

天與詩人弄好晴故將松吹作竽笙茆茨破賴秋瓜絡木  
杓危欄石瀨爭爾叟自能矜僂仰吾詩邨不出崢嶸停車  
俄頃清涼宇記取檀州八月行

南天門

包絡神京此左肩地形危峙榜南天迴看北斗鴈邊柄俯  
視中原脚底烟遼蕪鬱蔥龍虎氣燕雲清切屨筓躑一關  
兩扇開闔闔落日長城更莽然

古北口

關門鎖鑰極崔嵬走谷驚車碾疾雷山海混茫形左抱居  
庸青紫氣西來棧樓日暮清砧急幕府秋高畫角哀一笑  
祖龍成底事女牆終古委秦灰

青石梁

大石犖犖犬與獬小石纍纍如鴟蹲大車升挽降則奔人  
馬駭汗俄雨翻小車轉側高下擗用力雖半危僅存我騎  
代步意頗軒壁蘚暇能以手捫馬蹄觸石火四噴當午日  
炙沙初溫昨者西飲洮水渾六盤山高插天根無石有土  
草木昏熱風煽天悸我魂此梁曾不得半論車與石鬪助  
肘跟未至先恐過慰言徒御渴競趨空村不論瓢杓兼罍



益我言勿喜且覓飧前去尙有黃土屯

三道梁旅店聽裘可亭秦小峴誦山谷詩聲甚壯

青山偕行三百曲茅屋對把一卷詩清新快雨潑春籀幽  
逸楓林叫子規百八菩提穿智慧十八灘水洗鬚眉峨眉  
山人得替度西江學者拜祖師癡絕鳳閣兩名士口嚼宮  
徵聲壯悲吾思其快不可說麻姑搔背殆似之

曉行

曉行草木發光英有如年少赴功名暮行烟霧交縱橫棘  
足更有榛與荆我夢覺時天五更雞號屋上萬壑明主人  
指我途路行初日杲杲懸銅鉦水禽對飛格有聲一時足  
抵半日程所以上游貴力爭

出塞四言

關雄塞遠鴈唳蟲號雲豁霧斂山清氣高陽林緋碧陰壑  
聊蕭邊馬夜驟朔風晨飄極目萬里紆轡崇椒瞻望京邑  
睠言江皋作詩寫志孤引濁醪

初至興桓

匹馬踰松漠秋光照柳城市鶯蕃漢語山老鼓笳聲樓閣  
仙莊迴風烟上塞平關心惟旅鴈嘹唳夜南征

灤陽旅舍裘可亭秦小峴來飲作四絕句方葆岩亦  
在

方干不是隱居者秦觀國士真無雙豫章胸中那可測能  
張大口吸西江

興桓爛飲越州酒八月飽啖武列魚眼花耳熱起捉筆縱  
橫便學象書

山頭橫笛暮悠悠塞上草木媚清秋十千飲盡興不盡入  
盞明月金波流

休盤金稍跨騾裹莫挾黃柘逐澤麋一飲便能增意氣平  
生不數敖曹詩

旅店夜聞馬嘶草感賦

竊轡詭銜非馬智莊生妙語解人頤較量草豆堪羞我蹠  
踣關山總仗伊涼露泣庭蟲暗語夜光穿樹鵲驚疑四蹄  
報主平生事骨格何妨兀自羸

灤陽中秋同人邀比部陳繹堂會飲於戴蓮士方葆

岩寓中

天上明月擎晶盤  
人間羈旅詩骨寒  
明月羈旅五贈答  
天上人間足清歡  
塞山山長不可紀  
碧天悠悠路漫漫  
秋河耿耿瀉斗極  
行李續續緣岡巒  
駝鳴馬嘶鳩鴻叫  
笳鼓燥草木殘  
九關雲霧忽開豁  
玉簫金管桂樹端  
山川婉孌簾幙捲  
松檜華悅濃露溥  
十人會飲動一石  
顛倒狼藉翻濤濶  
薄酒雖薄勝飲水  
滑稽之滑逾轉丸  
縱無瓊糜與玉饌  
芋肥菘脆柔可搏  
明月在天妬我醉  
清輝刺眼不許看  
吾起酌月月解飲  
稍有薄暈生國園

和少甫庭竹生笋阿穆呼朗圖帳中作

書來與報籜龍成  
竦節長竿衝雨生  
一夜塞風吹夢去  
滿

匪幽翠不勝情

月寫玲瓏玉琢纖俗從蠲淨瘦從添主人肝肺含芒角未  
得全伸乍露尖

中關行帳觀返照和鮑雅堂中翰韻

堂堂六合不須關萬騎穿林檎葉斑走地筑琴秋壑水照  
天金碧夕陽山人烟暝色蒼茫裏漢語蕃歌雜選間獨我  
凌兢騎細馬漫吟壯浪看孱顏

波羅河屯和雅堂中翰韻

山有堂隍勢名齊喀喇傳翠嵐低衣去聲水紅葉老摩天窳  
堵層椒蠹炊烟落日懸湫龍預偃伏萬乘曉屯邊

按班鳩夜大雷雨

千帳無煙萬馬暗疾雷迸礮電流金青楓颯有鬼神語黑  
雨飛摧虎豹心搭木置牀魂轉悸蓋茅燃竈火逾沈却看  
卽鹿中林處岡鎖雲隕不可尋

按班鳩溝口雪

沙黃草白松樹乾牛毛蝟縮羊蹄攢圓天垂垂磨軟絮落  
日冉冉韜紅丸渥洼虎膺踐苜蓿蕃王霜韉捧多璫中央  
黃幄繞萬帳周陔恢網彌千巒身負孱骨例寒俄忽有豪  
概壯膽肝酪漿自壓鮭菜味不飪突過香稻餐霜掃筆底  
電騰下風掠耳際火鼻端高駝嗟噦載瘴虎蒼鷹格磔追  
奔豕四方上下照爛爛元武朱雀風團團林麓凹凸互明  
晦圖畫粉墨交迷漫景宗敖曹寫得意關仝蕭照徒浩歎

手拘枯槎伐敗葦自掘土坎營繩欄一更四面敷漢火八月萬里羊腸湍結束便欲起盤稍憑醉廳可拏飛翰作詩火催付急脚當有萬口傳長安

依遜河行帳和汪首禾兵曹灤陽中秋之作

月白無涯樽有涯樽空一倍月華加身如玉塞橫秋鴈心似恒河厯劫沙衰草綴花當共藉好辭何價可能賒憑君七字琅然韻與蒼山城斷續笳

灤陽重九邀同直諸君子過飲用山谷對酒歌蒼謝

公靜韻

重陽羈旅月黃葉西風吟酒杯淺窄世界關中有詩人千載心蝨蟬圓臍酪點雪菘芽青青韭根白蒼山出簷不滿

尺飄燈風送斷鴈聲壓帽霜落看菊夕平生兩食塞上麥  
武列之水清且腴粼粼一片鋪我臆書生食籍分有幾例  
啖黃蒸枕書策搖鞭忽漫出白檀松漠柳城千盤山左顧  
遼海極莽蒼北指敖漢星斗間黑風吹空急霰集羊腸篝  
火夜深吸一隊蕃客調馬回天子親自射虎來詩成不  
數羽獵賦何況區區戲馬臺丹楓紅萸繞山館氣宇清廓  
無點埃同心二三子醉倒緣底事天涯九日明秋粲長河  
在天影在地槽頭隔壁越沽清縱龔之罄尙有瓶山腰草  
木與歌舞夜半笳鼓聒月明

旅夜聞笛用山谷聽宋儒摘阮歌韻

風吹松林墮松子切切如聞汝與爾關門滅燭方悄然白



露塗階冷苔死何人手弄湘岸筠屑欲發聲意中止比來  
蛩蟻聒秋夢驅之復來日凡幾涼蟾嚙帷蝨啮膚人破一  
聲催我起將離折柳渭城陰嗚咽磨刀隴頭水四百八十  
空樓臺哀鴈號雲一千里感君楚調抵塞笳况此凜秋怯  
行李心忤酒渴劇思飲覓火窓間燒敗葦中年憂樂兩悠  
悠無復人間難捨事忽漫聞聲不見人意似亂絲那勝理  
杜陵關山詩格工合擧閨閣腸斷容我從塞外望京國遙  
指三星沒河中曲罷依然松際風

于孝廉

德裕

文襄公孫也

詔令承襲輕車都尉且

以部主事用

相公池館閉寒湫歸葬南徐土一邱賓客已隨烟盡散

恩波不與水東流讀書種子天應愛華國文章史所求  
詔下中朝爭感激羊曇無用哭西州

題李龍眠九歌圖

三閭憔悴死死抱憤俗心後有遇之者江潭楓樹林俎豆  
在南楚絕調哀古今巫師賣歌舞巧能慕其音脩竹何嫋  
嫋秋波何潏潏九歌腸九迴一字一漫吟狡獪李伯時十  
指鐵森森不知何所受天地盡變陰宣和靖康際劫火不  
得侵忠魂鎮邏守厲鬼與躡尋結束貌斌媚幽冤涕沈淫  
人物可畫夥快意傳碧金何苦攝心膽觀者憐不任雷闕  
雨復作釋卷三日暗

簡吳興戴秀才晴楓

夫君讀書處日夕蒼山高開戶竹千挺放船魚一篙殷勤  
惠尺素間闊愧塵勞十五年前事西風雙鬢毛

汪杏江招余與戴蓮士方葆岩看菊飲酒

客弛荷擔馬脫轡路衢逢人執手勞  
涇腸塵土湔復生入骨風霜炙不到  
開國王孫飲食我簡未來時鵲已噪  
入門炯炯大小星豁我秋來兩眸眊  
君詩有骨並花格君詩有肉映花貌  
吾詩剽疾譏楚師侈然坐受鄭人犒  
花黃酒白人面紅少壯無聞怕老耄  
流光快馬去駸駸言行奉盈虧慥慥  
虛名不可作衣食造化由來怒狂躁  
不如把酒酌黃華年年醉著風中帽

灤陽之役內子栽菊十餘種且貯斗酒遲余歸入門

爛如也把杯對影輒成十五韻

還家楓葉落問訊菊花安稚女搬盆盎嬌兒忘飲餐君心  
殊澹泊吾意亦巉峴一日十回漑終朝百遍看假牆仍特  
立插帽博清歡夜坐書橫軸調飢食盡簞片時無剥啄斜  
月到闌干腰帶郎官瘦西風韋杜寒細君真隱逸蔓倩例  
窮酸麀眼籬初架貓頭笋可剗庭竹一叢霜後尚有笋生根際莫云清俸  
薄差喜酒杯寬楸老庭蕭瑟苔乾壁漉漫對渠歌更舞伴  
我寤成歎泥濕移鑪熨根甜怕蟻鑽生涯良自詡何用咏  
懸貍

毛宿亭農部貽木瓜

怪君月支大農錢不收曜身更黃面多因作畫費精神一

障吮毫塗萬遍與君相好永不渝微軀硜硜抱孤狷近來  
詩句似葱薑辛辣何曾耐咀嚙君知其病不肯說投以木  
瓜意在諫煖香隱肉黃油搓厚膜裹瓢蜜蠟鍊抱之衾衲  
愈轉筋夜半腰脚欠伸便性情溫淑色中央作詩類之卽  
詩彥更能經久膚不皴宣州致此幾鄉縣紙窻髮几靜愔  
愔豪語驅除綺語變風人之旨在苞苴吾子之德益深善  
更煩畫作贈好圖千載桓公不足羨

劉石庵大司空惠墨二十五挺

少年初耳先生名如聞巨靈心發怔及來視學江左右能  
使秀才氣崢嶸金陵太原兩典郡上官畏之拂榻迎空灘  
十八洗潔白太華三峰抗孤清聖賢心事菩薩性松柏體

貌猿鶴情奉 詔昨自湖湘來攜得白沙泉一杯匪徒自  
清清人肺腑語語洞見心中芟謂我粗知學弄墨憐我硯田  
槁無色殷勤割捨黃山松二十五丸鍊漆黑我受而退一  
再思先生之愛蓋以德我今身名厠樞府筆札紛紜朝逮  
曷何曾報 國有區區落紙謹嚴方是職細觀墨範廉且  
方慢磨墨汁黝以光先生風我蹈規矩先生期我能文章  
翰墨經綸兩不蓋海內無如東武最先生豈是工書人畢  
竟書名莫兩大墨黑須知人要白玉壺裝冰塵自辟夜窓  
研露捉蟾蜍不學人間傅脂澤先生當世顏平原無分吳  
琚割半席作詩那足當羔鴈庶幾風人景行什

桂林周比部

位庚

言蒼梧縣治有榕一章本大一畝

蔭垂數十畝腹裂處隱隱見磚螿樑柱蓋舊有古  
廟榕包之而生垂千年矣事絕奇詭作詩識之

迢遰八桂水蒼茫鬱林雲山魑木客自叫嘯丹荔黃蕉交  
紛紜渡河香象涎怒濺入饌紅螺殼細紋宜人風景難殫  
說從君更聞所未聞蒼梧縣庭雨不到老榕一章罕名貌  
根侵厚地斷脉絡陰障層旻黯星曜股臂縱橫坐妖狐臙  
腑空洞孕古廟何曾被有斤斧創工師浩歎樵者弔桐栝  
松梓生岡陬終日丁丁聲不休金砂珠玉出南海陸能梯  
採水能涸獨榕可醜復可愕不才有壽占敗邱中原回望  
一萬里白盡麥荒遷客頭火之不焦蛙不死造化無從與  
料理千年瘴癘在其身夜夜縣人防賊矢

少甫寡言而多噫作詩示之

黑豸肩佐黃羊肉賀蘭之酒

阿拉善酒

蕎麵粥塞上歸來秋氣

淒蚊蚋收聲伏蝙蝠君已種竹發兩叢故應有瘦更無俗  
蟹眼候過注碧螺鮓血磨穿醮烏玉何爲輒作病鶴噓毋  
乃生計窘帛粟人閒得失塞翁馬世事浮悠鄭人鹿平生  
不學梁鴻噫風雨每捲杜陵屋試聆孫登鸞鳳音千仞蘇  
門一孤鵠

十月十六日雪 上自西苑還宮恭紀二律

宜春小苑上林門積素流銀射曉曠莫簸揚迎嶽轉玉  
泉飛動向城翻翻蔬麥甲層層澆鐵市銅街處處喧一路  
共看黃繖下 至尊含笑爲黎元



莫作尋常六出看，壺簾襦袴釀千般。景明南苑還西苑，  
喜喻中官到衛官。罽寺佛光臨水塔，過晡旛脚驗風竿。須  
臾千步廊中立，無數飛瓊上筆端。

題月華唱和詩後

山陰梁大司農諸城劉大司空有月華唱和詩二公俱會撫楚南月

華乃山陰公在長沙時事也

湖山棨戟兩尙書，一月輝輝徹太虛。金管玉簫洞庭樂，翠  
旗碧瓦湘君居。鶴還閩苑逾清警，雲在瓊霄任卷舒。香案  
朝朝研墨處，綵箋如研瀉蟾蜍。

毛宿亭農部來視予疾，置酒就床頭。觀予近所作詩，  
許其可窺古人堂。奧予弗以爲善也，作詩貽之。

臥病不作詩，詩意常滿膈。夢與作者游，嚙語致莫逆。旁人

屢搖撼起剔燈穗碧長身大毛公造榻驗我脈歡然與之  
酒半醉論詩格言我所爲詩古有今稀獲我聞面發頰君  
言殆作劇一官六品服掃舍如投驛妻饑夜誦經兒寒曉  
骨赤時時中聖人酷有苦吟癖詩魔不可驅欲藉符禳辟  
吾自憎吾詩而世乃嘖嘖君癡擬虎頭蓄畫不甚惜君懶  
如嵇康詎終鍛鸞翮與我脣齒依藐焉虞與虢君非善諛  
人其語由鬱積游魚相煦濡不忘江湖適秋蟲遞吟號長  
夜弔寒壁蟲魚智瑣瑣白日駒過隙嚴終太蚤貴佩印氣  
殊赫拙哉皇甫謐閉門搔頭白東野不救窮退之一生阨  
吾詩故不工縱工有何益不如竟斷之免作寒餓役已矣  
且痛飲寒具冷更炙明日告同官吾言當不易

病中作

盲人不忘視，痿人不忘起。一心如囚猿，夢跳岩洞裏。云何有苦惱，都從有身始。疇能外形骸，一室湛空水。我笑羅什愚，咒語不救死。木病則生癭，土濕則生螿。試問木與土，疴癢無與耳。砭心如土木，於道庶幾矣。不學參佛偈，不願友仙子。蒙莊昔有言，左臂可化使。神馬駕尻輪，清風兩耳駛。

病起作

萬人如海著，吾身抱節霜。松自屈伸空，有吳山來夢寐。又看燕雪灑衣巾，閉門立晏殊。清絕無語維摩自，可人六鑿若知都是贅。了無歡喜與嗔呻。

他人夢腹生松樹，決取三公十八年。今我發癰如椀大，強

言醉墜得神全凡鉛鍛鍊守家火心蔓芟夷獲寸田彈指  
年華三十九是身是我兩茫然

聞蓮士翰撰病詩以寄之

豫章有翰林奇骨開玉堂未老髮已禿將白髭先黃其心  
則耿耿不寐常有芒食不盡一器睡不過三商鷄號更五  
點橐筆入建章疾書一萬字晨星尙煌煌志大體恒餓步  
高趾易傷昨來視我疾執手訴繁忙窮老荷濕薪肩頰走  
僮僕網蟲織敗壁勞多得不償告我欲弛擔計未得其方  
今日遣邀飲頽然僵就床痛楚在肌骨焚灼在肝腸我病  
昨乍可子病今方將我有無上藥秘之不肯揚尾間自有  
火華池自有湯煎熬七晝夜離坎足相當燒成無味味和

以無香香香味俱絕處是名曰天漿一日飲一升無疾壽而康吾豈敢妄語非老亦非莊得之知止叟不信請試嘗

寒甚獨坐

北風終日撼枯桑擁鼻詩翁凍欲僵貧羨揚雄有居宅懶輸陸賈過諸郎鵲飢將子來窺甌鼠點呼羣敢攪牀夢作飛仙覺猶爾悠然臧穀兩亡羊

病後室中山茶欲放用東坡和子由韻

病扶人起步闌干瞥見山茶萼破寒簷際已消小至雪鼎中初轉大還丹花將詩格爭深穩幹似人心善屈盤往事風燈餘倦眼

癸巳冬子在蘇州賦雪中山茶詩

一株迸與懶夫看

程舍人東冶第四子某慧而夭作哭子詩一百二十

韻屬余作之

聖周葬於園防諸夏后氏史佚子棺衣是爲失禮始蓋指  
下殤言以往弗論此孔子嘉汪童勿殤焉可矣程氏有四  
郎旣冠昏尙俟其質諒且敦其儀嫻以美書學行草眞口  
熟經傳史問年僅離童叩行則已士曰未有室家曷爲慧  
而死舍人舉其棺歸葬三千里百韻詩不足流涕屬子誄  
會當表其窆成人程氏子

冬至

竿頭飄轉相風烏  
騰沸泉跳井底珠  
詰旦帝承郊祀  
典普天人看日長  
圖迢迢禁漏穿林表  
藹藹非煙傍  
隅臣病未能腰  
脚懶閉門空林隙過駒

書事

宣南坊宣北坊提鈴振柝聲琅琅河水腹堅天雨霜旛竿  
 寺給孤寺一石水煮五斗米爾其來食存活爾四方太平  
 烽燧閒萬里如在闔戶間藁鞋露野門不關何況三輔車  
 連轅九門周呼防宵姦司隸校尉令若山朝官宿興星爛  
 斑麥秀雙岐禾五穗醴泉器車天所賜我粢在倉穡在筥  
 有畜皆孽有蠶翅 帝曰恩自近者施萬家豈無一家匱  
 一日不食飢且頓發粟再三蓋不啻中丞來御史至飯香  
 溢金鏗萬器泠泠歌舞奔老稚隆冬邨有餓殍馳王政一  
 端首當記

次韻玉圃吏部恭纂蘭州紀略有述四首

黃河迴抱百重山徑仄城危鳥道攀一賊晝呼先殺吏千人宵濟急焚關喧傳蜂蟻移巢去漫檄貔貅卷甲還幕府如尸幾悞國二旬養寇戶庭間

連營飲馬向渾流上相中宵聚米籌關內糗糧供辦賊洮西丁壯誓攻讎卽看反火收王則已報還師出貝州名字何人驚賊膽陣前猿臂是通侯

秦鳳涇原古所爭瓜沙環慶際天平一時善後籌移鎮從古防秋議練兵身手盡騎蕃部馬姓名都籍亞夫營河西舊有同袍俗愛聽磨刀嗚咽聲

軍氛經雨洗如無誰識天心軫一夫輸粟十年成畫餅救荒三尺掉空符手屯膏澤誅無赦功在城隍罪可區羽



檄爰書勞 睿慮刑威赫赫一編俱

顧星橋毛宿亭過飲論詩並觀所藏舊畫

絕愛長身毛戶部可憐黃面顧舍人  
機鋒不盡廣長舌辛苦能拚勇  
猛身桓公寒具莫浪說庾郎鮭  
菜特地新容易勾留兩詩客五霜  
如雪月如銀

題史卓峯侍御榕陰洗石圖

端州七星巖廣州九曜石同在嶺海陬  
名字口膾炙劉王臺殿莽榛蕪丹荔  
黃蕉無處無花田冷落何人掃古觀  
蒼涼有蘚鋪玲瓏九曜亡其一又况  
沈埋老葑室蝸牛涎蔓蚌噓沙缺月  
濛濛蠻霧夕毘陵御史使南天三年  
穩坐孔翠船象犀繪貝百不取歸裝  
惟有石一卷攜之徧示京華

客展卷蒼蒼涵海色可知奇石是星精石晦星韜待抉剔  
榕陰亭午聽潮鷄自闢叮嚀種木樨奏吉了鳴山繭熟佛  
桑花發杜鵑啼石欄點筆題詩處猪肝鯁血噴煙霧羚羊  
三洞復三層宋肉唐皮俱入庫使君辛苦手無停盡日榕  
陰手挈餅迂倪顛米前身合洗出熒熒八點星

郊游閒詠三絕句

玉河金水走波瀾西海瀾瀾南海寬此是當時煙水窟酒  
船高並畫樓端

廣渠門外鴨頭波春日春人細馬馱芳草綠圍翁仲足高  
墳七貴五侯多

夕陽松檜影縱橫開國親勳轉戰成一百萬人同日破內

江風雨夜收兵

武肅親王墓

題少甫臨蔡忠惠帖後

君樵秋碧帖我愛蒲陽詩嫩雨澆春甲新蟾嚙網絲  
崢嶸皇祐歲吟望劍州時餘事拈柔翰胡笳喻壯悲

榮性堂集卷八

終